

L A

BVLLE D'INDI- CTION DE NOSTRE sainct pere Pie par la diuine prouidence Pape IIII. pour la conuocation du sacré Concille General à celebrer en la ville de Trente.



A PARIS

Par Guillaume Nyuerd, Imprimeur & Libraire, tenant
sa boutique ioignant le pont aux Muniers,
vers le Chasteller: au bon Pasteur.

Et en la boutique de Gilles Corroze Libraire,
en la grand' Salle du Palais.

AVEC PRIVILEGE.

THE NEWBERRY
LIBRARY

Cose

F

39

326

1561

EXTRACT DV

Priuilege.

Il est permis à Guillau-

me Niuerd Imprimeur & Libraire,
Et à Gilles Corrozet, aussi Libraire,
imprimer, vendre & distribuer la
Bulle d'indiction de nostre saint
pere le Pape pour la cōuocation du
sacré concile general, tant en Latin
qu'en traduction Frāçoise, Avec de-
fenses à tous autres de n'imprimer
n'exposer en vente lesdictes Bulles,
sinon de celles qui auront esté impri-
mées par lesdictz supplians, sur les
peines contenues audict priuilege.

Faict à Paris le vingtroisiesme iour
de Decembre, mil cinq cēs soixante.


Signé N. LVILLIER.



Pie , par la diuine

PROVIDENCE P A P E

quatriesme de ce nom , pour la conuo-
cation du sacré Concile General à ce-
lebrer en la ville de Trente.



P I E Pape IIII. pour
perpetuelle memoire. Appellé au regime
& gouuernemét de l'e-
glise par la grace de
Dieu quoy que ce far-
deau surpassast noz
forces. Incontinét iectât la veue de nostre
esprit sur toutes les parties de nostre repu-
blique chrestienne, & regardant non sans
horreur de combien auoit pullulé & ac-
creu ceste peste d'heresie & diuision, & de

A ij

CONVOCA T I O N

combien auoient affaire de correction les meurs de nostre peuple. Nous auons pris ceste charge & sollicitude pour par-fournir à ce en quoy nostre office nous appelloit, de regarder en quelle sorte il estoit possible d'aneantir & deraciner ces heresies, & oster ceste tant perilleuse diuision. Ensemble de corriger les meurs corrompues & desprauées de nostre peuple. Et sachant que pour guerir ces maux, le bon & sainct remede estoit d'observer la coustume de nostre sainct siege. Auons deliberé d'assembler vn concile, & (Dieu aydant) le parfaire: lequel ia auoit esté accordé par Paul troisieme & son successeur noz predecesseurs. Mais par beaucoup de causes & raisons souuentefois donnantes en ce empeschement n'auroit peu estre parfait. Car Paul l'ayant ordonné en premier lieu, se deuoit tenir en la ville de Mantoüe: en second, en Vincence. Et pour aucunes causes deduietes expresses en ses lettres.

Premierement il le differra, en apres

il le renuoya à Trente, puis par aucunes diuerſes raiſons le temps de le parfaire fut differé. La dilation oſtée, finalement il fut commencé à la Cité de Trente. Ou apres la concluſion d'aucuns ſtatutz & decretz, pour certaines cauſes en ce auſſi ſ'accordant l'autorité du ſainct Siege apoſtolique. Mais Iulles Succeſſeur de Paul le renuoya à la ville de Trente, auquel temps furent faietz & concludz certains decretz.

Et pour ce qu'aux prochains lieux de Allemaigne furent faietz nouuelles ſeditions & tumultes: & qu'il y auoit ia cruelle guerre en Italie & en la France, derechef fut differé: en ce donnant ayde l'ennemy du genre humain, mettât en auant difficultez diuerſes & empeschemens de ne le pouuoir parfaire: pour & à celle fin qu'il peuſt par longue eſpace de temps retarder vn ſi grand profit à l'Egliſe, veu que du tout il ne le pouuoit oſter. De combien ce pendant ont pris accroiſſement, ſe ſont multipliées & ont pris force & vigueur

CONVOCATION

les heresies, de cōbien la diuision est creüe,
non sans grande fascherie d'esprit en a-
uons memoire & le pouuons referer. Mais
ce pendant le bō & pitoyable Dieu lequel
iamais ne se courrouce iusques à oublier
vser de sa misericorde a daigné pacifier
& vnir les Roys de nostre Chrestienté.
Quoy voyant ceste occasion, nous auons
eu espoir moyennant sa misericorde de
mettre fin remediant aux maux de l'Egli-
se par ce Concile.

Nous doncques pour oster la diuision
& heresie, pour corriger & reformer les
meurs, pour entretenir la paix & vnion
des princes, auons pensé estre bon ne dif-
ferer plus long téps la celebration du Cō-
cile. Ayant sur ce eu de noz venerables fre-
res en Dieu les Cardinaux de l'Eglise Ro-
maine l'aduis & meure deliberation, ayant
aussi de ce fait certains Ferdinād esleu Em-
pereur des Romains & autres Roys &
Princes. Lesquelz d'une grand' pieté & sa-
pience(cōme nous auons bonne opinion)
auons trouué prestz & appareilles à ayder

D V C O N C I L L E G E .

la celebration dudiect Concile : à l'honneur & gloire du trespuissant Dieu , & vtilité de l'vniuerselle Eglise : Du mesme conseil & assentiment de noz freres, ordonnons ce sacré & General Concile: de l'autorité semblablement de Dieu, & des benoistz saint Pierre & saint Paul Apostres, desquelz nous tenons la place, assurez & aydez , debuoir estre tenu le iour de la tressacrée Resurrectiō de nostre Seigneur, en la Cité de Trête sans delay quelconque . Oultre nous admonnestons , & enhortons noz venerables freres , Patriarches, Archeuesques, Euesques, & bien aymez filz Abbez & autres ausquelz de droit commun & priuilege ou ancienne coustume est permis s'asseoir & dōner sentence au Concile . Ausquelz mandons par mandement expres en vertu de la sainte obeissance, en vertu de iurement qu'ilz ont faict , & soubz les peines lesquelles ilz sçauent estre constituées par les saintz decretz à ceulx lesquelz desdaignent venir à l'assemblée des Conci-

CONVOCA T I O N

les generaux qu'ilz viennent dans ce iour là pour celebrer ledict Concile s'ilz n'ont empeschement legitime qui les excuse: duquel empeschement donneront approbation par legitimes procureurs. D'auantage nous admonnestons tous ausquelz il appartient ou pourroit appartenir, qu'ilz ne negligēt venir audict Concille, & nous admonnestons & prions noz treschers filz en Dieu l'esleu Empereur des Romains, & autres Roys & Princes lesquelz on deburoit desirer s'y pouuoir trouuer: si d'eulx mesmes n'y sont, pour le moins que leurs embassades esleuz gens sages, graues & prudens s'y trouuent pour presenter la personne de leurs maistres audict Concile, & qu'ilz dōnent ordre par leur pieté que les Prelatz de leur Royau-me & domaine sans delay rendent à Dieu & à l'Eglise en vn temps tant necessaire ce à quoy ilz sont appelez: mettront peine par semblable moyen que les Prelatz & leurs familiers qui les accōpagnent, & à tous autres allans ou retournans du-
dict

D V C O N C I L L E G E.

dict Concile que lon ne leur face empeschement ou destourbier en chemin, ains soyent benignement & hospitalement receuz & traictez, ainsi qu'en ce qu'il nous touche & appartient auons deliberé de faire: (Ne laissans rien passer qui peult appartenir à parfaire vn œuure tant salutaire constitué par nous, ne cherchans autre chose, comme Dieu est le vray tesmoing, & ne nous proposant rien deuant les yeux que l'honneur de Dieu, la reduction des ames esgarées de la foy) le perpetuel salut & tranquillité de la republicque Chrestienne. Et à celle fin que ces lettres & le contenu d'icelles viennent à la congnoissance de ceux ausquelz doit paruenir: aussi afin que personne n'ayt excuse pretendante cause d'ignorance, pour ce que la difficulté du chemin pourroit empeschier la congnoissance à ceulx lesquelz est necessité congnoistre cecy, Nous voulons & mandons qu'en la basilicque vaticane, & en l'Eglise de Latran, lors & à l'heure que lon celebrera la Messe ou le peuple a

B

CONVOCA T I O N

de coustume d'estre assemblée deuant tous à claire voix soit publiée par noz notaires publicqz, & apres la lecture d'icelles soyent affigées aux portes desdictes Eglises à la chancellerie applicqué & au lieu accoustumé par l'espace de quelque temps afin qu'ilz soyent leués d'un chascun, & qu'on n'y pretende cause d'ignorance. Et quand on les osterá desdictz lieux que les exemplaires d'icelles lettres demeurent: car nous voulons par la lecture, publication, & affiction d'icelles tous & chacuns compris dens lesdictes lettres deux mois apres les publications & affictions y estre aussi bien astrainctz & liez, que si deuant eulx ilz auoient esté faictes & leués. Nous mandons & ordonnons que sans aucune doubte que si elles sont escriptes de la main des Notaires, & signées ou subscriptes de la main d'aucun estant en dignité ecclesiastique, on y adiousté foy. Parquoy aucun ne soit si hardy d'aller encontre nostre indiction, statut, decret, mandement, admonition & exhortatió, sur peine

D V C O N C I L E G E.

d'encourir l'indignatiō du Dieu tout puiſſant, des biēheureux ſainct Pierre & ſainct Paul Apoſtres.

Dōné a Rome, en l'Egliſe S. Pierre, l'an de l'incarnation de noſtre Seigneur, mil cinq cens ſoixante, le vingtneufieſme No- uembre, & le premier de noſtre Pōtificat.

Signé

P I E Eueſque de l'Egliſe Catholique.

Et au deſſoubz

Le Reuerendiſ. Cardinal R. de Cape E- ueſque de Port.

Le Reuerendiſ. Cardinal F. Piſane Eueſ- que de Tuſculane

Le R. Carinal Fed. Cefis, Eueſque de Pa- leſtrine

Le R. Cardinal Io. Moron, Eueſque d'Al-

Le (bane

Le

Le R. C. Madruc Cardinal de Trante

Le R. Otho. Truchſes Cardi. d'Auguſte

Le R. B. de la Cueva Cardinal de S. Croix

CONVOCA TION

Le R. Tybere Cardinal Crispe

Le R. I. Mich. Cardinal de Saraçtue

Le R. I. Le Cardinal saint Vital

Le R. I. Andrec. Cardin. de Mefsiue

Le R. Iac. Cardinal de Putuo.

Le R. Io. b. Cicada saint Clement

Le

Le

Le R. Scipio Cardinal de Pife

Le R. I. Cardinal de Rerniane

Le R. Io. Anto. Card. Carpisucce

Le R. Thadée Cardinal Gaddi

Le R. F. M. Cardinal Alexandrin

Le R. Clem. Cardinal darecet

Le R. I. Cardinal de Sabelle

Le R. Ant. Cardinal de S. George

Le

Le R. A. Cardinal Farnese Vice-
chancellor

Le R. G. Asc. Cardinal Chambrier
dict sainte Fleur.

Le R. Hyp. Cardinal de Ferrare

Le

Le R. Iul. Cardinal d'Vrbain.

D V C O N C I L L E G E.

Le R. Aloy, Cardinal, Coruare.
Le R. Hiero. Cardinal Symoncelle.
Le R. Vitelloce Cardinal de Vitelle
Le R. Io. Cardinal de Medicis.
Le R. Char. Cardinal Bouromée.

Et plus bas

Ant. Florebellus Rauellinus.

Et sur le reply.

A. Barengus.

B iij

Bullez & féellez en plomb du grand
féel du Pape, pendant en lacz
de foye rouge & iaulne.



Et au doz de ladicte bulle est
escript ce qui s'ensuyt.

L'an de la Natiuité de nostre Seigneur,
mil cinq cens soixante, indiction tierce, le
second iour du mois de Decembre, & du
Pontificat du sanctissime pere en Iesus
Christ Pie de la diuine prouidence Pape
quatriesme de ce nom, & de son pontificat
premier an, les susdictes lettres appliquées
ont esté affichées, leuës & publiées selon
leur forme & teneur, aux lieux accoustu-
mez pour ce faire & comme est de coustu-
me, & depuis leuë, la copie d'icelles delais-
sée par nous Bernardin Andrutie, & Jean
Andrec Panizza, Curseurs & Officiers
Apostoliques.

